

ASO TOFI, 27 IUNI 2019

Na nofoia e le Fofoga Fetalai le Nofoa i le itula e 9:14 i le taeao.

Tatalo.

FOFOGA FETALAI: Ou te faasilasila atu ua toe amatalia Tualumaga ma Galuega a le Fono Aoao Faitulafono.

E faatalofa atu ma le agaga faaloalo i le paia o le Palemene ua mafai ona tatou mafuta i leni taeao mo le faaauauina o la tatou galuega. E faatalofa atu foi i le faafogafoga tapuai mai a Samoa ma le atunuu. Ia manuia le tapuaiga.

TUUINA ATU O PEPA

Na tolaulauina e le Failautusi Pepa ua faataatia i luga o le Laulau a Fono, e tusa ai ma T.T.49(2).

1. P.P.2019/2020 Nu.89, Lipoti Faaletausaga a le Faalapotopotoga o Taui mo Faalavelave Faafuasei mo le tausaga 2017.

TUUINA ATU O LIPOTI A KOMITI FAA-PALEMENE

Na tolaulauina e le Failautusi Lipoti a Komiti Faa-Palemene ua faataatia i luga o le Laulau a Fono e tusa ai ma T.T.52(5).

1. P.P.2019/2020 Nu.86, Lipoti a le Komiti Suesue Faapitoa a le Palemene e faatatau i le Faaiuga a le Komisi o Auaunaga Tau Faamasinoga, ma aiaiga o le Mataupu 68(5) o le Faavae o Samoa.

TULAFONO TAU FAAOFI O TEUTEUGA O LE TULAFONO O LE FAASOLOGA O TIUTE 2019 – iloiloga auilili

FOFOGA FETALAI: E tusa ai ma Tulafono Tumau e amata le iloiloga auilili i le Fuaiupu 2.

FUAIUPU 2: Ua teuteuina le Fuaiupu 2.

Faamaonia.

27 IUNI 2019

Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2019 – faitauga faatolu

FUAIUPU 3: Ua suia le Faamatalaga Muamua.

Faamaonia.

FUAIUPU 4: Ua teuteuina le Faamatalaga Lona Lua.

Faamaonia.

FUAIUPU 1 MA LE IGOA:

FUAIUPU 1: Igoa puupuu ma le amataga.

IGOA: Teuteuga o le Tulafono o le Faasologa o Tiute 2019.

Faamaonia.

Na faagasolo le Tulafono Tau Faaofi o Teuteuga o le Tulafono o le Faasologa o Tiute 2019 e aunoa ma se Teuteuga.

TULAFONO TAU FAAOFI O TEUTEUGA O LE TULAFONO O LE FAAPUTUGATUPE MO LE LUMANAI MANUIA O TAGATA 2019 – faitauga faatolu

FOFOGA FETALAI: Ou te tapa ma le faaaloalo lau Afioga i le Minisita o Tupe.

Afioga Hon SILI EPA TUIOTI (Minisita o Tupe): Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2019 i lona faitauga faatolu.*

Faaluaina e le Minisita mo Tupe Maua ma le Minisita mo Aoga, Taaloga ma Aganuu.

Na faamaonia le lafo ma faitauina le Tulafono Tau Faaofi i lona faitauga faatolu ma faapea ona pasia le Fono Aoao Faitulafono.

27 IUNI 2019

**TULAFONO TAU FAAOFI O TEUTEUGA O LE TULAFONO O
KAMUPANI LAISENEINA MO AUAUNAGA TAU MAVAEAGA MA
AUAUNAGA TAU TUPE FAAVA O MALO 2019
– faitauga faatolu**

FOFOGA FETALAI: Ou te tapa lau Afioga i le Minisita o Tupe.

Afioga Hon SILI EPA TUIOTI: Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o Kamupani Laiseneina mo Auaunaga Tau Mavaega ma Auaunaga Tau Tupe Faava o Malo 2019 i lona faitauga faatolu.*

Faaluaina e le Minisita mo Aoga, Taaloga ma Aganuu ma le Minisita mo Tupe Maua.

Na faamaonia le lafo ma faitauina le Tulafono Tau Faaofi i lona faitauga faatolu ma faapea ona pasiaina e le Fono Aoao Faitulafono.

**TULAFONO TAU FAAOFI O TEUTEUGA O LE TULAFONO O
FAAPUTUGA OA FAAVAE RESITALAINA 2019 – faitauga faatolu**

FOFOGA FETALAI: Ou te tapa lau Afioga i le Minisita o Tupe.

Afioga Hon SILI EPA TUIOTI: Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o Faaputuga Oa Faavae Resitalaina 2019 i lona faitauga faatolu.*

Faaluaina e le Minisita mo Aoga, Taaloga ma Aganuu ma le Minisita mo Tupe Maua.

Na faamaonia le lafo ma faitauina le Tulafono Tau Faaofi i lona faitauga faatolu ma faapea ona pasiaina e le Fono Aoao Faitulafono.

**TULAFONO TAU FAAOFI O TEUTEUGA O LE TULAFONO O
KAMUPANI 2019 – faitauga faatolu**

FOFOGA FETALAI: Ou te tapa lau Afioga i le Minisita mo Pisinisi, Alamanuia ma Leipa.

Afioga Hon LAUTAFI FIO SELAFI PURCELL (Minisita mo Pisinisi, Alamanuia ma Leipa): Faafetai i lau Afioga i le Fofoga Fetalai. E muamua ona faatalofa atu i lau Afioga faapea le mamalu o le Palemene ua afifio mai i lenei aso, malo lava le onosai. E faatalofa atu foi i Ofisa Sili o Pulega aemaise foi le faafofogaaga a Samoa i lenei taeao fou. Ua ou tulai atu lau Afioga ma le ava tele e faatu le lafo, *Ina ia faitauina nei le Tulafono Tau Faaofi o Teuteuga o le Tulafono o Kamupani 2019 i lona faitauga faatolu.*

27 IUNI 2019

**Tulafono Tau Faaofi o Teuteuga o le Tulafono o Auupega 2019
– faitauga faatolu**

Faaluaina e le Minisita mo Tina ma Tamaitai, Atinae o Nuu ma Afioga ma Agafesootai ma le Minisita mo Tagata Tafafao Maimoa Mai Fafo.

Na faamaonia le lafo ma faitauina le Tulafono Tau Faaofi i lona faitauga faatolu ma faapea ona pasiaina e le Fono Aoao Faitulafono.

**TULAFONO TAU FAAOFI O TEUTEUGA O LE TULAFONO O
AUUPEGA 2019 – faitauga faatolu**

FOFOGA FETALAI: Ou te tapa ma le faaaloalo lau Afioga i le Palemia.

Susuga Hon TUILAEP AUELUA FATIALOFA LUPESOLIAI LOLOFIETEELE NEIOTI AIONO GALUMALEMANA Dr. SAILELE MALIELEGAOI (Palemia): Lau Afioga i le Fofoga Fetalai ou te tulai atu ma le ava tele e faatu le lafo, *Ina ia faitauina nei le Tulafono Tau Faaofi o Teuteuga o le Tulafono o Auupega 2019 i lona faitauga faatolu.*

Faaluaina e le Minisita mo Pisinisi, Alamanuia ma Leipa ma le Minisita mo Galuega, Felauaiga ma Atinae Eseese.

Na faamaonia le lafo ma faitauina le Tulafono Tau Faaofi i lona faitauga faatolu ma faapea ona pasiaina e le Fono Aoao Faitulafono.

**TULAFONO TAU FAAOFI O TEUTEUGA O LE TULAFONO O LE
KOMISI O LE TOEFUATAIGA O TULAFONO 2019
– faitauga faatolu**

FOFOGA FETALAI: Ou te tapa ma le faaaloalo lau Afioga i le Palemia.

Susuga Hon TUILAEP AUELUA FATIALOFA LUPESOLIAI LOLOFIETEELE NEIOTI AIONO GALUMALEMANA Dr. SAILELE MALIELEGAOI: Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o le Komisi o le Toefuataiga o Tulafono 2019 i lona faitauga faatolu.*

Faaluaina e le Minisita mo Pisinisi, Alamanuia ma Leipa, Minisita mo Galuega, Felauaiga ma Atinae Eseese ma le Minisita mo Tagata Tafafao Maimoa Mai Fafo.

Na faamaonia le lafo ma faitauina le Tulafono Tau Faaofi i lona faitauga faatolu ma faapea ona pasia le Fono Aoao Faitulafono.

27 IUNI 2019

**TULAFONO TAU FAAOFI O TEUTEUGA ESEESE I TULAFONO
(FAASOAINA O MATAFAIOI TAUAVE I MINISITA 2019
– faitauga faatolu**

FOFOGA FETALAI: Ou te tapa lau Afioga i le Palemia.

Susuga Hon TUILAIPA AUELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr. SAILELE MALIELEGAOI: Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga Eseese i Tulafono (Faasoaina o Matafaioi Tauave i Minisita) 2019 i lona faitauga faatolu.*

Faaluaina e le Minisita mo Pisinisi, Alamanuia ma Leipa, Minisita mo Tina ma Tamaitai, Atinae o Nuu ma Afioga ma Agafesootai ma le Minisita mo Tagata Tafafao Maimoa Mai Fafo.

Na faamaonia le lafo ma faitauina le Tulafono Tau Faaofi i lona faitauga faatolu ma faapea ona pasia le Fono Aoaofaitulafono.

**TULAFONO TAU FAAOFI O TEUTEUGA O LE TULAFONO O LE
FAASOLOGA O TIUTE 2019 – faitauga faatolu**

FOFOGA FETALAI: Ou te tapa lau Afioga i le Minisita mo Tupe Maua.

Afioga Hon TIALAVEA FEA LENIU TIONISIO HUNT (Minisita mo Tupe Maua): Lau Afioga i le Fofoga Fetalai ou te tulai atu ma lou ava tele e faatu le lafo, *Ina ia faitauina nei le Tulafono Tau Faaofi o Teuteuga o le Tulafono o le Faasologa o Tiute 2019 i lona faitauga faatolu.*

Faaluaina e le Minisita mo le Soifua Maloloina, Minisita o Tupe ma le Minisita mo Aoga, Taaloga ma Aganuu.

Na faamaonia le lafo ma faitauina le Tulafono Tau Faaofi i lona faitauga faatolu ma faapea ona pasiaina e le Fono Aoaofaitulafono.

**TULAFONO TAU FAAOFI O TEUTEUGA O LE TULAFONO O LE
AO O LE MALO 2018 – iloiloga auiliili**

FOFOGA FETALAI: E tusa ai ma Tulafono Tumau e ao ona faamaonia muamua e le Fono Aoaofaitulafono le Lipoti a le Komiti i le Tulafono Tau Faaofi ona avanoa ai lea mo le iloiloga auiliili.

Ou te tapa le Afioga i le Taitaifono o le Komiti o Tulafono Tumau, Mataupu tau Faiga Palota, Talosaga ma Tofiga faale-Faavae.

27 IUNI 2019

**Tulafono Tau Faaofi o Teuteuga o le Tulafono o Le Ao o le Malo 2018
– iloiloga auiliili**

Tofa NAFOITOA TALAIMANU KETI (Taitaifono, Komiti o Tulafono Tumau, Mataupu tau Faiga Palota, Talosaga ma Tofiga faale-Faavae): Lau Afioga i le Fofoga Fetalai ou te faatu le lafo, *Ina ia faamaonia e le Fono Aoao le Lipoti a le Komiti o lo o fautuaina ai ina ia faagasolo le Tulafono Tau Faaofi o Teuteuga o le Tulafono o le Ao o le Malo 2018 faatasi ma Teuteuga ma Faasaoga.*

Faaluaaina e le sui usufono mo Falealili Sasae ma le sui usufono mo Lefaga ma Faleaseela.

Na faamaonia le lafo.

FOFOGA FETALAI: E faasilasila atu ua faamaonia nei e le Fono Aoao le Lipoti a le Komiti i le Tulafono Tau Faaofi ma o le a sagai atu loa le Fono Aoao mo le iloiloga auiliili.

E tusa ai ma Tulafono Tumau, e amata le iloiloga auiliili i le Fuaiupu e 2.

FUAIUPU 2: Ua faaofiina le Fuaiupu 2A fou.

Faamaonia.

FUAIUPU 3: Ua teuteuina le Fuaiupu 3.

Faamaonia.

FUAIUPU 4: Ua suia le Fuaiupu 7.

Faamaonia.

FUAIUPU 5: Ua teuteuina le Fuaiupu 8.

FOFOGA FETALAI: O lo o i ai le Teuteuga a le Komiti i le Fuaiupu 5. Tulai mai lau Afioga i le Taitaifono o le Komiti.

Tofa NAFOITOA TALAIMANU KETI: Lau Afioga i le Fofoga Fetalai ou te faatu le Teuteuga i le Fuaiupu 5 i le na o le Lomiga Samoa e faapea:

“TEUTEUGA:

Ia faaopopo le upu “Alii” ina ua tuanai le upu faletua ma faitauina ai le fuaiupu 5(2) fou e faapea:

27 IUNI 2019

**Tulafono Tau Faaofi o Teuteuga o le Tulafono O Le Ao o le Malo 2018
– iloiloga auilili**

“le Faletua po o le Alii o le Ao o le Malo.”

Faamaonia le Teuteuga.

Faamaonia le Fuaiupu 5 e pei ona Teuteuina.

FUAIUPU 6: Ua suia le Fuaiupu 9.

Faamaonia.

FUAIUPU 7: Ua soloia le Fuaiupu 10(2).

Faamaonia.

FUAIUPU 8: Ua soloia le Fuaiupu 11.

Faamaonia.

FUAIUPU 9: Ua teuteuina le Fuaiupu 12.

Faamaonia.

FUAIUPU 10: Ua soloia le Fuaiupu 13.

Faamaonia.

FUAIUPU 11: Ua teuteuina le Fuaiupu 14.

Faamaonia.

FUAIUPU 12: Ua suia le Fuaiupu 15.

Faamaonia.

27 IUNI 2019

**Tulafono Tau Faaofi o Teuteuga o le Tulafono O Le Ao o le Malo 2018
– iloiloga auilili**

FUAIUPU 13: Ua faaofiina le Fuaiupu 15A fou.

Faamaonia.

FUAIUPU 14: Ua teuteuina le Fuaiupu 16.

Faamaonia.

FUAIUPU 15: Ua teuteuina le Fuaiupu 16A.

Faamaonia.

FUAIUPU 16: Ua suia le Fuaiupu 16B.

Faamaonia.

FUAIUPU 17: Ua faaofiina le Fuaiupu 16C fou.

Faamaonia.

FUAIUPU 1 MA LE IGOA:

FUAIUPU 1: Igoa puupuu ma le amataga.

IGOA: Teuteuga o le Tulafono o le Ao o le Malo 2018.

FOFOGA FETALAI: O lo o i ai le Faasaoga a le Komiti i le Fuaiupu 1 ma le Igoa.

Ma le faaalaloalo ou te tapa lau Afioga i le Taitaifono o le Komiti.

Tofa NAFOITOA TALAIMANU KETI: Lau Afioga i le Fofoga Fetalai ou te faatu le Faasaoga i le Fuaiupu 1 ma le Igoa e faapea:

“FAASAOGA:

Ia aveese le fuainumera 2018 ma suia i le fuainumera 2019 ma faitauina ai le Igoa o le Tulafono e faapea:

27 IUNI 2019

Tulafono Tau Faaofi o Teuteuga o le Tulafono o le Aoga Tau Faatoaga a le Iunivesite o le Pasefika i Saute 2019 – iloiloga auiliili

Teuteuga o le Tulafono o le Ao o le Malo 2019.”

Faamaonia le Faasaoga.

Faamaonia le Fuaiupu 1 ma le Igoa e pei ona Faasaoina.

TULAFONO TAU FAAOFI O TEUTEUGA O LE TULAFONO O LE AOGA TAU FAATOAGA A LE IUNIVESITE O LE PASEFIKA I SAUTE 2019 – iloiloga auiliili

FOFOGA FETALAI: E tusa ai ma Tulafono Tumau e ao ona faamaonia muamua e le Fono Aoa le Lipoti a le Komiti ona sagai atu loa lea mo le iloiloga auiliili.

Ou te tapa lau Afioga i le Taitaifono o le Komiti o le Vaega tau le Va Fealoai.

Afioga Hon GATOLOAIFAANA AMATAGA ALESANA GIDLOW (Taitaifono, Komiti o le Vaega tau le Va Fealoai): Lau Afioga i le Fofoga Fetalai ou te faatu le lafo, *Ina ia faamaonia e le Fono Aoa le Lipoti a le Komiti o lo o fautuaina ai ina ia faagasolo le Tulafono Tau Faaofi o Teuteuga o le Tulafono o le Aoga tau Faatoaga a le Iunivesite o le Pasefika i Saute 2019 e aunoa ma se Teuteuga.*

Ma lou faaaloalo lava.

Faaluaina e le sui usufono mo Aleipata Itupa i Luga.

Na faamaonia le lafo.

FOFOGA FETALAI: O lea ua faamaonia e le Fono Aoa le Lipoti a le Komiti i le Tulafono Tau Faaofi, ma o lea o le a sagai atu loa mo le iloiloga auiliili.

E tusa ai ma le Tulafono Tumau e amata le iloiloga auiliili i le Fuaiupu 2.

FUAIUPU 2: Ua teuteuina le Igoa o le Tulafono Autu.

Faamaonia.

FUAIUPU 3: Ua teuteuina le Igoa umi o le Tulafono Autu.

Faamaonia.

27 IUNI 2019

**Tulafono Tau Faaofi o Teuteuga o le Tulafono o le Aoga Tau Faatoaga a
le Iunivesite o le Pasefika i Saute 2019 – iloiloga auilili**

FUAIUPU 4: Ua faaofiina le Ulutala fou o le Vaega 1.

Faamaonia.

FUAIUPU 5: Ua teuteuina le Fuaiupu 1.

Faamaonia.

FUAIUPU 6: Ua teuteuina le Fuaiupu 2.

Faamaonia.

FUAIUPU 7: Ua faaofiina aiaiga fou.

Faamaonia.

FUAIUPU 8: Ua faaofiina le Ulutala fou o le Vaega 3.

Faamaonia.

FUAIUPU 9: Ua faaofiina le Ulutala fou o le Vaega 4.

Faamaonia.

FUAIUPU 10: Ua faaofiina le Ulutala fou o le Vaega 5.

Faamaonia.

FUAIUPU 11: Ua faaofiina le fuaiupu 9 fou.

Faamaonia.

27 IUNI 2019

**Tulafono Tau Faaofi o Teuteuga o le Tulafono o le Faaliliuina o Fanua
Faaleaganuu 2017 – iloiloga auiliili**

FUAIUPU 12: Aiaiga tau soloaiga.

Faamaonia.

FUAIUPU 13: Ua teuteuina le Faamatalaga.

Faamaonia.

FUAIUPU 1 MA LE IGOA:

FUAIUPU 1: Igoa puupuu ma le amataga.

**IGOA: Teuteuga o le Tulafono o le Aoga tau Faatoaga a le
Iunivesite o le Pasefika i Saute 2019.**

Faamaonia.

*Na faagasolo le Tulafono Tau faaofi o Teuteuga o le Tulafono o Aoga tau
Faatoaga a le Iunivesite o le Pasefika i Saute 2019 e aunoa ma se Teuteuga.*

**TULAFONO TAU FAAOFI O TEUTEUGA O LE TULAFONO O LE
FAALILIUINA O FANUA FAALEAGANUU 2017 – iloiloga auiliili**

FOFOGA FETALAI: E tusa ai ma Tulafono Tumau e ao ona faamaonia muamua e le Fono Aoa le Lipoti a le Komiti i le Tulafono Tau Faaofi ona avanoa ai lea mo le iloiloga auiliili.

Ou te tapa lau Afioga i le Taitaifono o le Komiti o le Vaega o Atinae Eseese.

Afioga TAFUA MALUELUE TAFUA (Taitaifono, Komiti o le Vaega o Atinae Eseese): E faatalofa atu i lau Afioga i le Fofoga Fetalai, malo lava mo le faatautaiga o le tatou Maota i leni taeao fou. E faatalofa atu foi i le Afioga i le Palemia ma le Kapeneta aemaise sui usufono ma le mamalu o le Maota nei, tainane le faafofogaaga a le atunuu.

Lau Afioga i le Fofoga Fetalai ou te tulai atu e faatu le lafo, *Ina ia faamaonia e le Fono Aoa le Lipoti a le Komiti o lo o tuuina atu ai le fautuaga, ina ia faagasolo le Tulafono Tau Faaofi o Teuteuga o le Tulafono o le Faaliliuina o Fanua Faaleaganuu 2017 faatasi ma Teuteuga ma Faasaoga.* Ma le faaaloalo lava.

Faaluaaina e le sui usufono mo Vaisigano Nu.2.

27 IUNI 2019

**Tulafono Tau Faaofi o Teuteuga o le Tulafono o le Faaliliuina o Fanua
Faaleaganuu 2017 – iloiloga auiliili**

Na faamaonia le lafo.

FOFOGA FETALAI: O lea ua faamaonia e le Fono Aoa le Lipoti a le Komiti, ma o le a sagai atu loa mo le iloiloga auiliili o le Tulafono Tau Faaofi. E tusa ai ma Tulafono Tumau e amata le Iloiloga auiliili i le Fuaiupu 2.

FUAIUPU 2: Ua teuteuina le fuaiupu 4.

FOFOGA FETALAI: O lo o i ai le Teuteuga a le Komiti i le Fuaiupu 2 e pei ona faaalua i le pepa faaopoopo o galuega. Tulai mai lau Afioga i le Taitaifono.

Afioga TAFUA MALUELUE TAFUA: Lau Afioga i le Fofoga Fetalai ou te faatu le Teuteuga.

"TEUTEUGA:

FUAIUPU 2(a)

- (a) i totonu o le fuaiupu 4(1A)(a) ua fautuaina ia suia le upu "lisi" i upu "aia tatau e faamaonia pe teena ai le faaaogaina o le aia faaletulafono i luga o le lisi"; ma
- (b) ia faofi le palakalafa (g) fou ua fautuaina i le tuanai ai o le palakalafa (f) e faapea:

"(g) o le aia tatau e saili ai se sui o se tagata i tulaga faaletulafono e tauaveina taualumaga faaletulafono i mataupu e faatulai mai le lisi po o se laisene ua faamatuu atu"; ma

FOFOGA FETALAI: Ou te faamalulu atu i le Taitaifono, ona o lea ua e saunoa i mataupu uma ia e tuuina mai ai le teuteuga. Ae tatou see muamua i le fuaiupu 4.

Afioga TAFUA MALUELUE TAFUA: Faamalulu atu i lau Afioga i le Fofoga Fetalai, ua tau mulimulitai foi i le saunoaga a le Palemia a maua loa le avanoa, faga uma le kemu. A o lea o le a toe po malie i tua le vaa.

FOFOGA FETALAI: Malo e le o ni pelegamapu a tatou mea ia e fai. O lea o le a tuu atu le fesili i le Fuaiupu 2.

Faamaonia le Teuteuga.

Faamaonia le Fuaiupu 2 e pei ona Teuteuina.

27 IUNI 2019

**Tulafono Tau Faaofi o Teuteuga o le Tulafono o le Faaliliuina o Fanua
Faaleaganuu 2017 – iloiloga auiliili**

FUAIUPU 3: Ua faaofiina le fuaiupu 5A fou.

Faamaonia.

FUAIUPU 4: Ua teuteuina le fuaiupu 6.

Faamaonia.

FUAIUPU 5: Ua teuteuina le fuaiupu 8.

FOFOGA FETALAI: O lo o i ai Teuteuga a le Komiti i le Fuaiupu 5 e pei ona faaalua i Pepa Faaopoopo o Galuega. Tulai mai lau Afioga i le Taitaifono o le Komiti. Faga uma lea o le malo i lau saunoaga lena.

Afioga TAFUA MALUELUE TAFUA: Lau Afioga i le Fofoga Fetalai ou te faatu le Teuteuga i le Fuaiupu 5 e faapea:

“TEUTEUGA:

1. Ia faaofi le fuaiupu 5A fou.

“5A. Faaofiina o le fuaiupu 9A fou- Ua teuteuina le Tulafono autu e ala i le faaofiina, i le tuanai ai o le fuaiupu 9, le fuaiupu fou e faapea:

“9A. Tusi resitala o lisi po o laisene o fanua faaleaganuu po o aia faaletulafono o i ai i totonu o le Tulafono autu- (1) E ao i le Resitara ona faavaeina ma tausia se tusi resitala mo le resitalaina o lisi o fanua faaleaganuu po o laisene o fanua faaleaganuu ma aia faaletulafono o i ai i totonu o le Tulafono Autu.

(2) O le resitalaina e le Resitara o lisi o fanua faaleaganuu po o laisene o fanua faaleaganuu ma aia faaletulafono ua i ai i totonu o le faafuaiupu (1), e le

(a) faatagaina ai le faaliliuina o fanua faaleaganuu i se faiga o faasaina e le Mataupu 102 o le Faavae; po o

(b) faatagaina po o le faatatauina o le pule e umia ai so o se fanua faaleaganuu e ao ona faaee atu i so o se tagata.ö.

27 IUNI 2019

**Tulafono Tau Faaofi o Teuteuga o le Tulafono o le Faaliliuina o Fanua
Faaleaganuu 2017 – iloiloga auiliili**

2. Ia faaofi le fuaiupu 5B fou e faapea:

“5B. Ua soloia le fuaiupu 11(2)- Ua soloia le fuaiupu 11(2) o le Tulafono Autu.ö

FOFOGA FETALAI: Malo faafetai.

Faamaonia le Teuteuga.

Faamaonia le Fuaiupu 5 e pei ona Teuteuina.

FUAIUPU 6: Ua suia le fuaiupu 16.

FOFOGA FETALAI: Ia, se i tulai mai lau Afioga i le sui usufono mo Faleata Sisifo.

Tofa LEALAI PULE RIMONI AIAFI: Faafetai. E muamua ona momoli le faafetai i le Afioga i le Taitaifono ma le latou Komiti i le galuega tele sa toe fesagai ma i latou. Na pau lava le mea ou te toe fia fesili atu ai i le vaega tonu lea ua oo i ai i le lisi, aua o lea ua faamamafa o le lisi e le o le fanua. Na pau le mea lea ua toe taua mai e le Komiti faapea e le mafai ona faia se lisi vagana ua i ai se atinae i luga o le lisi. Ia manatua foi la, o lisi nei e lisi muamua mai le fanua ona faatoa fai ai lea o le atinae. Po o le a tonu le finagalo o le Komiti, pe faatoa faamautuina le lisi pe a i ai atinae i luga o fanua tau Samoa. Pe afai o sao lau faauigaina o le suiga lea ua aumai nei e le tou Komiti? Ma le faaaloalo lava. Faafetai.

Ia se i tulai mai le Taitaifono.

Afioga TAFUA MALUELUE TAFUA: Lau Afioga i le Fofoga Fetalai, faafetai mo le fesili a le sui usufono. Sa ou faapea e le tau fesili lau Afioga i le tulaga lea, o oe foi e tele au lisi na e fai, a o lea lava e te silafia le tulaga o mea faapenei.

O le faataitaiga lau Afioga ma le faaaloalo, o se faletalimalo foi lea e fia fai, o la ua tapena ua fai le faletalimalo, ua faatu se isi vaega o le faletalimalo, a o lea la o le a alu le phase 2 o le faletalimalo faaopoopo nisi fale ma nisi potu. O le taimi lea e faaofi ai loa le vaega lea. O le agaga lena o le vaega lea ma le Tulafono. Malo faafetai.

Faamaonia le Fuaiupu 6.

FUAIUPU 7: Ua faaofina le Vaega 3 fou.

27 IUNI 2019

**Tulafono Tau Faaofi o Teuteuga o le Tulafono o le Faaliliuina o Fanua
Faaleaganuu 2017 – iloiloga auiliili**

FOFOGA FETALAI: O lo o i ai le Teuteuga a le Komiti i le Fuaiupu 7. Ou te tapa lau Afioga i le Taitaifono.

Afioga TAFUA MALUELUE TAFUA: Lau Afioga i le Fofoga Fetalai ou te faatu le Teuteuga i le Fuaiupu 7 e faapea:

δTEUTEUGA:

Ua teuteuina le Vaega 3 fou e faapea:

(a) Mo le fuaiupu 19(1) ua fautuaina ia suia le palakalafa (b) & (c) e faapea:

δ(b)ö e le tatau ona faia, seia vagana ai ua faia ni atinae i le fanua faaleaganuu ua lisiina ma o ia atinae e ao ona faia e tusa ai ma le faamoemoe ua faamaonia i lalo o le lisi; ma

(c) e ao ona resitala i lalo o lenei Tulafono ma o sea resitala e le mafai ona faaeeina atu i ai se aia tatau e umia ai le pule i se fanua faaleaganuu.ö ma

(b) Ia faaofi i le tuanai ai o le fuaiupu 20 le fuaiupu 20A fou e faapea:

δ20A. Faamatuuina o mokesi-(1) Afai o se mokesi na faia i lalo o lenei Tulafono o le a faamatuuina atu, e tatau i le ua mokesiina atu i ai ona faataunuu le faamatuu atu i totonu o le pepa faatumu faamaonia.

(2) I le maea ai ona resitala o se faamatuu atu o se mokesi, o le tului i luga o le mokesi e tatau, i le tulaga ua faamaotiina i le faamatuu atu, ona taofia le tologiina i so o se tupe ua malupuipua i le mokesi.ö; ma

(c) Mo le fuaiupu 21 ua fautuaina, ia suia e faapea:

“21. Tulafono Faatonutonu-(1) E mafai e le O Le Ao o le Malo, i le faia i luga o le fautuaga a le Kapeneta, ona faia tulafono faatonutonu, e aloaia ai lenei Vaega.

(2) E aunoa ma le faatapulaaina o le tulaga lautele o le faafuaiupu (1), e mafai ona faia o Tulafono Faatonutonu e aiaia ai mo se faiga mo lisi ua faaletonu le tologiina o le mokesi.ö; ma

27 IUNI 2019

**Tulafono Tau Faaofi o Teuteuga o le Tulafono o le Faaliliuina o Fanua
Faaleaganuu 2017 – iloiloga auiliili**

(d) Mo le fuaiupu 22 ua fautuaina ia suia e faapea:

“22. O Tulafono e le faaaogaina. – E leai se tasi o Tulafono nei e faaaoga i lisi o fanua faaleaganuu, laisene o fanua faaleaganuu po o aia tatau faaletulafono i luga o fanua faaleaganuu o i ai i ia tulafono:

(a) Tulafono o le Faamauina o Pule o Fanua 2008; ma le

(b) Tulafono o Meatotino 1952ö; ma

(e). I totonu o le fuaiupu 23 ua fautuaina, ia faaofi le ð(1)ö i le lumanai ai o le ðFuaiupu 34ö mo le fuaiupu o i ai nei, ma faaofi o itu nei ua taua i le tuanai ai o le toe faanumeraina o le faafuaiupu

ð(2) Ua teuteuina le Tulafono o le Faamauina o le Pule o Fanua 2008 e faapea:

(a) I totonu o le fuaiupu 2-

(i) Ia soloia faamatalaga o uiga o upu ðfanua faaleaganuuö, ðlisi o fanua faaleaganuuö, ðtagata o lisiina i aiö, ðfaamaumauga o fanua faaleaganuuö; ma

(ii) aveese upu ðpeitai e le aofia ai fanua faaleaganuu mo le faamoemoe o le resitalaina o fanua i lalo o lenei Tulafono e ese mai ai i lo le resitalaina o laisene po o lisi o fanua faaleaganuuö mai le faamatalaina o le fuaitau ðfanuaö; ma

(iii) ia aveese upu ðpeitai e le aofia ai se faamaumauga o fanua faaleaganuuö mai le faamatalaina o uiga o upu ðTusi Resitalaö ma le ðresitalainaö; ma

(iv) ia soloia le faafuaiupu (3); ma

(b) i totonu o le fuaiupu 5, ia soloia faafuaiupu (1)(i), (7) ma le (8);

(c) i totonu o le fuaiupu 9-

(i) aveese upu ðpo o fanua faaleaganuu ua lisiina po o ua laiseneina i lalo o aiaiga o le Tulafono o le Faaliliuina o Fanua Faaleaganuu 1965ö, ma upu ðpo o lisi po o laisene o fanua faaleaganuuö I lena faasologa; ma

27 IUNI 2019

**Tulafono Tau Faaofi o Teuteuga o le Tulafono o le Faaliliuina o Fanua
Faaleaganuu 2017 – iloiloga auiliili**

(ii) Soloia o faafuaiupu (4) ma le (5); ma

(f)Ia faaofi le upu 23A fou I le tuanai ai o le fuaiupu 23 e faapea:

“23A. Aiaiga faasaoina ma aiaiga tau soloaiga-

(1) I le amata faamamaluina o leni Tulafono, o so o se lisi ua sainia o i ai nei, laisene, toe faamatuu atu o se lisi, faamatuu atu o se laisene, po o le faaliliuina atu o se lisi po o se laisene, na faia i lalo o le Tulafono Autu, e faaauau pea ma ua ave e faapea na faia i se tulaga aloaia lelei. Lona uiga o lisi tuai foi ia lau Afioga, o la e faaauau.

(2)O leni Tulafono e le faaaogaina i so o se lisi, laisene, toe faamatuu atu o se lisi, faamatuu atu o se laisene, faaliliuina atu o se lisi po o se laisene po o faamalumaluga na faia a o lumanai ai le amata faamamaluina o leni Tulafono o Teuteuga.

Ma le faaaloalo lau Afioga i le Fofoga Fetalai.

FOFOGA FETALAI: Malo faafetai.

Afioga TAFUA MALUELUE TAFUA: E i ai i le amata faamamaluina o leni Tulafono i Teuteuga ma le faaaloalo lau Afioga i le Fofoga o le Fono.

FOFOGA FETALAI: Malo faafetai.

Faamaonia le Teuteuga.

Faamaonia le Fuaiupu 7 e pei ona Teuteuina.

FUAIUPU 8: Ua toe faanumeraina le fuaiupu 19.

Faamaonia.

FUAIUPU 9: Teuteuga i le Igoa o le Tulafono Autu.

FOFOGA FETALAI: Tapa lau Afioga i le Taitaifono mo le faaofiina o le Fuaiupu 9 fou.

27 IUNI 2019

**Tulafono Tau Faaofi o Teuteuga o le Tulafono o le Faaliliuina o Fanua
Faaleaganuu 2017 – iloiloga auiliili**

Afioga TAFUA MALUELUE TAFUA: Lau Afioga i le Fofoga o le Fono, o le fuaiupu 9 lea o le Teuteuga o le Igoa o le Tulafono Autu.

“TEUTEUGA:

Fuaiupu 9: Teuteuga i le Igoa o le Tulafono Autu –

- (1) O le igoa o le Tulafono autu ua suia i le *ō*Tulafono o le Lisiina ma le Laiseneina o Fanua-Faaleaganuu 1965*ö* i so o se mea o aliali mai ai.
- (2) So o se faasinomaga i so o se Tulafono i le Tulafono o le faaliliuina o Fanua Faaleaganuu 1965, ia suia i le *ō*Tulafono o le Lisiina ma le Laiseneina o Fanua Faaleaganuu 1965*ö*

FOFOGA FETALAI: Malo, faafetai.

Faamaonia le Teuteuga.

Faamaonia le Fuaiupu 9 e pei ona Teuteuina.

FUAIUPU 1 MA LE IGOA

**Fuaiupu 1 Igoa Puupuu ma le amataga
IGOA Teuteuga o le Tulafono o le Faaliliuina o Fanua
Faaleaganuu 2017.**

FOFOGA FETALAI: O lo o i ai le faasaoga a le Komiti i le Fuaiupu 1 ma le Igoa e pei ona faaalii i le Pepa Faaopoopo o Galuega. Tulai mai lau Afioga i le Taitaifono.

Afioga TAFUA MALUELUE TAFUA: Lau Afioga i le Fofoga Fetalai ou te faatu le faasaoga o le Teuteuga i le Fuaiupu 1 ma le Igoa o le Tulafono Tau Faaofi e faapea:

“FAASAOGA:

1. Ia aveese le fuainumera 2017 ma suia i le fuainumera 2019, ma suia le Igoa o le Tulafono i le *ō*Tulafono Tau Faaofi o Teuteuga o le Tulafono o le Lisiina ma le Laiseneina o Fanua Faaleaganuu ma faitauina ai le Igoa o le Tulafono e faapea:

**Teuteuga o le Tulafono mo le Lisiina ma le
Laiseneina o Fanua Faaleaganuu 2019.**

27 IUNI 2019

**Tulafono Tau Faaofi o Teuteuga o le Tulafono O Le Ao o le Malo 2019
– faitauga faatolu.**

2. Ia faaofi fuaiupu 1A ma le 1B fou i le tuanai ai o le fuaiupu 1 e faapea:

õ1A. Ua teuteuina le fuaiupu 2 – Ua teuteuina le Fuaiupu 2 o le Tulafono autu e faapea:-

- (a) Mo le faamatalaga o le uiga o le upu õle e ona ma faamanuiaina aiõ ia suia i upu õtagata e ona fanua faaleaganuu e faamanuiaina aiõ i totonu o le Tulafono Autu atoa;
- (b) Mo le faamatalaga o le Ofisa Sili o Pulega, ia suia i le õOfisa Sili o Pulegaõ o lona uiga o le Ofisa Sili o Pulega o le Matagaluega e nafa ma fanua, o ia foi o le Resitara o fanua,õ

“1B. Ua soloia le fuaiupu 3- Ua soloia le fuaiupu 3 o le Tulafono Autuõ

FOFOGA FETALAI: Malo.

Faamaonia le Faasaoga.

Faamaonia le Fuaiupu 1 ma le Igoa e pei ona Teuteuina.

Na faagasolo le Tulafono Tau Faaofi o Teuteuga o le Tulafono o le Faaliliuina o Fanua Faaleaganuu 2017 faatasi ma Teuteuga ma Faasaoga.

**TULAFONO TAU FAAOFI O TEUTEUGA O LE TULAFONO O LE
AO O LE MALO 2019 – faitauga faatolu.**

FOFOGA FETALAI: Ou te tapa ma le faaaloalo lau Afioga i le Palemia.

Susuga Hon TUILAEPA AUELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr SAILELE MALIELEGAOI: Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o le Ao o le Malo 2019 i lona faitauga faatolu.*

Faaluaina e le Afioga i le Sui Palemia.

Na faamaonia le lafo ma faitauina le Tulafono Tau Faaofi i lona faitauga faatolu ma faapea ona pasia le Fono Aoao Faitulafono.

27 IUNI 2019

**TULAFONO TAU FAAOFI O TEUTEUGA O LE TULAFONO O LE
AOGA TAU FAATOAGA A LE IUNIVESITE O LE PASEFIKA I
SAUTE 2019 – faitauga faatolu**

FOFOGA FETALAI: Ou te tapa lau Afioga i le Minisita o Aoga Taaloga ma Aganuu.

Afioga Hon LOAU SOLA KENETI SIO (Minisita mo Aoga Taaloga ma Aganuu): Lau Afioga i le Fofoga Fetalai, ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o le Aoga tau Faatoaga a le Iunivesite o le Pasefika i Saute 2019 i lona faitauga faatolu.*

Faaluaina e le Minisita mo Faamasinoga ma Pulega Tau Faamasinoga, Minisita o Tupe ma le Minisita mo Tupe Maua.

Na faamaonia le lafo ma faitauina le Tulafono Tau Faaofi i lona faitauga faatolu ma faapea ona pasia le Fono Aoaofaitulafono.

**TULAFONO TAU FAAOFI O TEUTEUGA O LE TULAFONO O LE
LISIINA MA LE LAISENEINA O FANUA FAALEAGANUU 2019
– faitauga faatolu**

FOFOGA FETALAI: Ou te tapa lau Afioga i le Minisita mo Punaoa Faalenatura ma Siosiomaga.

Afioga Hon FIAME NAOMI MATAAFA (Sui Palemia): Faafetai lava i lau Afioga i le Fofoga Fetalai, ae ou te le i faatuina le lafo, e ao ona fai atu se upu a le Malo e tusa ai ma galuega sa nafa ma le Komiti. Faafetai i le Afioga i le Taitaifono ma le Komiti mo lenei galuega, masalo ua sili ma le tausaga, afai foi ua umi sala i le umi aua o measina nei a le atunuu. Ma e ao ina silasila totoa i ai le Palemene, e tusa ai ma tatou Tulafono.

Lau Afioga i le Fofoga Fetalai, e talia lelei e le Malo le lipoti ua tuuina mai e pei ona talia foi e le Palemene, ma e e na o le toe fai atu se faamatalaga i le aotelega o le faamoemoe o le tatou Tulafono lea, o le mea moni lava o le toe poupouina o le Tulafono e faasino i lisi ma laisene aemaise le mokesiina o fanua faaleaganuu. Ia aemaise le itu o le puipuia lea o faamanuiaga po o aiatatau a i latou e umia fanua nei.

Lau Afioga o le isi vaega taua ua faatino le tatou Tulafono lea, o lea ua faatulai mai ai le lesitalaina o le lisiina o fanua faa-Samoa, i lalo o le Tulafono lenei. Atonu o lea e maua e lau Afioga ma le Maota, o le isi lava mea lea sa tele ina vevesi ai foi le atunuu, o le lesitalaina lea o tatou lisi nei i lalo o le Tulafono o Pule o Fanua 2008. Ia o lea la ua tonu ai, ma ua aoga foi le galuega a le Komiti, o lea ua i ai le tatou suiga taua lea o le faatulai mai o le lesitala faapitoa i lalo o le tatou Tulafono nei mo fanua faaleaganuu.

Lau Afioga i le Fofoga Fetalai o se faamatalaga lena e toe momoli atu ai le agaga faafetai o le Malo, aemaise foi o lenei Matagaluega e tusa ai ma le galuega sa fita i ai le tatou Komiti.

27 IUNI 2019

**Tulafono Tau Faaofi o Teuteuga o le Tulafono o le Lisiina ma le
Laiseneina o Fanua Faaleaganuu 2019 – faitauga faatolu**

Ma e ou te tulai atu ma le faaaloalo e faatu le lafo, *Ina ia faitauina nei le Tulafono Tau Faaofi o Teuteuga o le Tulafono o le Lisiina ma le Laiseneina o Fanua Faaleaganuu 2019 i lona faitauga faatolu.*

Faaluaina e le Minisita mo Tina ma Tamaitai, Nuu ma Afioga ma Agafesootai, Minisita mo Pisinisi Alamanuia ma Leipa ma le Minisita mo Tagata Tafafao Maimoa mai Fafo.

Na faamaonia le lafo ma faitauina le Tulafono Tau Faaofi i lona faitauga faatolu ma faapea ona pasia le Fono Aoaio Faitulafono.

FOFOGA FETALAI: Ua ou manatu, se i tuu atu le avanoa mo le saunoaga a le Taitai o le Maota, le Afioga i le Palemia ona faagasolo ai lea o le tatou Fono.

Susuga Hon TUILAEPA AUELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr SAILELE MALIELEGAOI (Palemia): Lau Afioga i le Fofoga Fetalai, lea ua saunoa manino le Afioga i le Sui Palemia i le taua tele o le Tulafono lea faatoa uma ona tatou faamaonia nei. E toe momoli aloaia foi le faafetai faaopoopo.

O le taua o le Tulafono lenei, lea ua aveese lava le lesitalaina o lisi o fanua faaleaganuu, aveese foi ma laisene o fanua faaleaganuu lea e masani ona laisene e tagata e fai ai o latou faleoloa. Ua vavae ese lava, ina ia aua ne i toe faaaoga e tagata le fia malamalama.

O le Tulafono Autu sa pasia i le 2008, e faapitoa i fanua tau papalagi. Ma o le mafuaaga foi na ala ai ona faapipii atu i ai mea ia, e avea o se tulaga foi lea e faamau, e avea o se faamaumauga autu, o iuga o nisi iuga o faamasinoga, e pei ona silafia. E tele naunau faamasinoga o fanua faaleaganuu e tasue atu ia mea o tuaoi ua fesui. Ou te manatua le taimi na muai faatalanoaina ai le Tulafono lea sa pisa ai nei i le Lesitalaina o Fanua Umia Saoloto, o le tala a le isi Faamasino na fai mai ia te au, manaia tele le mea lea, ona o le gasu lea e i ai nei i le faiga, tuai ona o le faaaoga o mea nei o deeds, pepa umia o fanau. E tele ina fiu loa, e faatalitali ma saili atu, i e ana fanua se i aumai pepa faamaonia ae leai ni pepa. Sue atu ua alu le isi olomatua i Niu Sila e musu e tuu i le fanau ne i te i ua faatau e le fanau ia fanua umia saoloto. O isi e sue atu i le faletupe ua leiloa. Ia ona tele ai lava lea o le gasu sa feagai ma loa, lea la na o tatou faaaoga ai lea o le faiga fou lea lea o lo o faaaoga e Niu Sila ma Ausetalia. E faapitoa lava mo fanua umia saoloto, ae ua ala ona faaopoopo atu i ai le lesitala lea, mo iuga a faamasinoga e avea o se faamaumauga, ona o le tele o tuaoi o fanua faaleaganuu, e saili atu ua leai ni tuaoi. O lea foi sa i ai lau faamasinoga sa fai i le tausaga e 1994, o le tuaoi o le fanua o le matou aiga i Saleaamua lea sa to atu le isi vaega tele o le fanua e fai ai le falesa EFKS, ua fia pule i ai isi toeaiina e toatolu, fanua o le matou aiga. Ae ou saili atu tuaoi, lau Afioga i le Fofoga Fetalai, o le isi tuaoi o le pou o le faleese se i tulou, o la e tutu mai tai i le sami, o le laki o le le aveesea e se isi e faaaoga e pusa ai sana suavai se i tulou lava le mamalu o le Maota.

27 IUNI 2019

Tulafono Tau Faaofi o Teuteuga o le Tulafono o le Lisiina ma le Laiseneina o Fanua Faaleaganuu 2019 – faitauga faatolu

O ituaiga uiga ia le mautu e faaaoga e tatou tagata o le atunuu e faatumau ai o latou tuaoi, tuaoi fanua. E tele faamasinoga e sue atu tuaoi o fanua ua leai ni tuaoi, aemaise pe a tuaoi i mea nei o al se i tulou, po o laau. E agi mai lava le matagi ona ave lea i lalo o laau, 20 tausaga mulimuli ane ai ua misa aiga i tuaoi. O lea la e omai ai i le faamasinoga, ona faapea lea o le manatu o Faamasino, e lelei pe a faaaoga foi la le lesitala lea, e lesitala atu ai ma faaiuga a Faamasino e faaaoga mo a latou faamasinoga, ae le o ni lesitala e faapea ua faatau maoti.

Lau Afioga, e sese tele le mea lea sa faaaoga e latou e teena ai le Tulafono. Ou te faafetai lava i le Afioga i le Sui Palemia ma le matou Matagaluega ua aveese mai lava mea ia, ma le tele o le gasu e faaaogasese e tagata Tulafono, a o la e lava e malamalama. A o le i ai lava o se vaega e faapitoa lava i mea o lisi o le faamauiina o lisi o fanua faaleaganuu, ma faamauiina ai mea o laisene o fanua nei e avatu e fai ai faleoloa, ona manino ai lava lea o le mata o le vai ma le toe fesiliai ai le anoano o tatou tagata, aemaise tatou tagata la e i fafo, ua matua sese atoa i faamatalaga sese e alu atu i Samoa nei.

O le ala lena o lea ou te faafetai ai i le Taitaifono, ua sala i le umi, ona e atagia ai i i le maeaea o la outou galuega. Ona o lea la ua ou vaai atu o lea ua oo tonu lava i le taimi o le tatou faasiliga malosi, e alofa atu foi i lena itu o le malu, ua ou vaai atu o outou uma lava na pe 19, ua outou lelavava. Ia a faapefea lenei lua vaiaso o faaaaogagase a outou Afioga i le lauliuiina e le gata o le Tala o le Tupe, a o nei Tulafono mamafa, ua toeitiiti ona faaletonu lea o se sui usufono. Ona ou fautuaina ai lea o lau Afioga, tatou malolo e fai le tatou faasiliga malosi i lenei taeao, toe tauaofia ai le tatou Fono mo nisi mataupu o lo o mulimuli mai.

FOFOGA FETALAI: Malo faafetai. Ua faatuina mai e le Palemia ina ia faapena ona suia a tatou Tulafono Tumau ma le tatou malologa masani, e fai alofa foi i sui usufono mamalu o le Palemene, aemaise foi o le Taitaifono o le Komiti sa feagai ma lenei Tulafono le Tofa i le Matua, ae a le sui usufono mo Aleipata Itupa i Lalo. Malo faafetai.

O le a faataatiaese Galuega a le Fono Aoaofa Faitulafono mo lana malologa masani.

Na faataatiaese Taulumaga a le Fono Aoaofa Faitulafono mo lana malologa masani i le itula e 10:19 i le taeao ma toe amatalia i le itula e 11:17 i le taeao.

FOFOGA FETALAI: Ou te faasilasila atu ua toe amatalia Taulumaga ma Galuega a le Fono Aoaofa Faitulafono. Malo le onosai, malo foi le usufono i le tatou Palemene. E i ai le manatu se i lafo atu i le Palemia mo le saunoaga.

27 IUNI 2019

LAFO MO LE TOLOPOINA

Susuga Hon TUILAEP AUELUA FATIALOFA LUPESOLIAI LOLOFIETEELE NEIOTI AIONO GALUMALEMANA Dr. SAILELE MALIELEGAOI: Lau Afioga i le Fofoga Fetalai faapea foi le mamalu o sui usufono o le Fono Aoaofaitulafono, ua tatou faatasi ai foi ma Ofisa Sili o Pulega o Matagaluega i le latou foi galuega e auauna ai i le tatou Palemene nei ma le Malo. O lea foi ua toe maua le malosi faafouina e faaauau ai galuega totoe o le tatou aso, ma e le uma le faiaso o le Atua.

E pei ona silafia o le aso a taeao e tatala ai se isi galuega tele sa faafeagai ma lo tatou Malo aemaise le Matagaluega o lo o vaaia i latou o lo o taofia i le toese. O taeao la e tatala aloaia ai. Faamalo foi i le Afioga i le Minisita ma le latou Matagaluega i le finau, o lea lava ua taunuu i le manuia, ua mafai ai ona faaleleia ma faamalositia le fale e nofo puipuia ai i latou mai le ono afaina ai o le saogalemu o le atunuu leni. O le mafuaaga lena o nei mea o toese, e taofia ai latou mo le puipuiga o le atunuu ma toefuataiga ai lo latou soifua faafouina. O taeao la e faatino ai le faamoemoe ona sosoo ai lea ma le galuega tele o le a faafeagai ma le aufaigaluega a le Malo o le lagolago lea e matua faamama atoa le tatou aai, le laumua leni e faatino ai galuega po o taaloga a fanau, o le a tumutumu mai ai foi i latou mai fafo ma le tatou atunuu e maimoa i faagatama o le a faatino i Samoa nei i le faaiuga o lena vaiaso ma tatala aloaia ai taaloga a le Pasefika. O se isi foi sauniga tele lea e avefa pea ma maa faafuagalua i le matau mai foi a atunuu i le laalaa pea i luma o tupulaga talavou e tauva mo le tauleleia o le tatou atunuu.

O le tulaga lena lau Afioga ua tupu ae ai se manatu, tatou malolo ia i leni aso, e le uma le faiaso a le Atua. O lo o i ai nai mataupu ia e totoe, tatou toe tauaofia mai ai i le Aso Lua, faalaolao le Aso Gafua e faafeiloai aloaia atu ai i le aso 1 o le masina o Iulai e faatino ai nisi galuega ma tapena ai faamaea, ona tatou omai ai lea faamaea galuega ia o lo o taoto i totonu o le Palemene e tatau lava ona faamaea, ona tatou alofaiva ai lea e faatino galuega e tatau ona fai. O lea ua pasia le Tala Autu o le Tupe, ma e tatau ona faaauau galuega mo le tatou atunuu o taliga mai i a latou talosaga.

Lau Afioga i le Fofoga Fetalai, o le lafo lena ua taoto atu, *Ina ia tolopoina nei le tatou Fonotaga tatou toe tauaofia ai i le Aso Lua o lena vaiaso fou i le ta o le 9:00 mo le faaauauina o mataupu ia tetele o lo o totoe, ona malolo ai lea o le tatou Fono.*

FOFOGA FETALAI: Malo faafetai. Ua malele ma saunoa le Afioga i le Palemia, o le Taitai o le Maota po o le Malo, ina ia faaavanoa foi nai taimi o le Palemene ma le Kapeneta aemaise foi o Ofisa Sili o Pulega o Matagaluega mo le tele o nisi o atinae a le Malo e tatau ona faatino mo le aso a taeao ma faagasolo ai lea o le polokalame e faamaea ai le tatou galuega i lea vaiaso pe a tala soifua i le alofa o le Atua.

Faahuaina e le Sui Palemia, Minisita mo Pisinisi, Alamanuia ma Leipa ma le Minisita mo Galuega, Felauaiga ma Atinae Eseeese.

Na faamaonia le lafo.

27 IUNI 2019

Lafu mo le Tolopoina

FOFOGA FETALAI: Malo faafetai. Ou te tapa le sui usufono mo Falealili Sasae, malie lou finagalo e te tulai mai e te faaiuina le tatou Fonotaga i se tatalo puupuu.

Na tolopo Taulumaga a le Fono Aoao Faitulafono i le itula e 11:30 i le taeao seia aulia le itula e 9:00 i le taeao o le Aso Lua, 2 Iulai 2019.